

宋

詩

拾

遺



宋詩拾遺卷十六目錄

虞允文一首

洪遵一首

趙與滂一首

陳白一首

高照一首

張廷存一首

趙公碩二首

趙炎一首

廖斯任一首

吳洸一首

邵之柔一首

蘇雲卿一首

趙善應二首

甄龍友四首

陳俊卿三首

晁端友六首

鄭伯熊六首

鄭蘊二首

魯訔一首

魯應龍一首

陽道亨一首

趙汝能一首

黃師參一首

王彥和一首



張伯垓 一首

楊后 二首

鄒楚夫 一首

陸士規 一首

方有開 一首

張金 一首

楊由義 一首

柳伯達 一首

黃觀 一首

謝景溫 二首

王灼 一首

王闌 一首

王蘭 三首

璋 二首

梁子美 一首

劉敏求 一首

王質 二首

葉黯 二首

尚華 二首



宋詩拾遺卷十六

虞允文字

仁壽人紹興間進士

錢塘陳世隆彥高選輯

瀘江亭

映水林樾影顛倒濟川舟楫勢崢嶸東行萬里欲乘興  
更待一萬春水生

洪遵字景巖邵陽人謚文安

和弟景廬月臺詩

築臺結閣兩爭華便覺流涎過翅車戶小難禁竹葉酒



睡多須借菊苗茶

趙興滂

登浙江樓

兩岸明月闌干霄漢間  
風波浙江水砥柱海門山  
晝夜潮消長利名人往還  
不知沙上鷺玉立一身閑

陳白

白岩寺

八重峰頂望羣山  
百谷東流去不還  
唯有右軍遺跡在  
月波時落墨池間



高 照 字雪厓

金精山

金精寂寂真勝境  
門鎖松杉風月冷  
跨鶴仙姬去不來  
白雲一片封丹井

張廷薦

字月山

人官宣都尉

紀遊

馬行諳舊路  
鷄唱認層巔  
洞口有桃處  
江村欲雪天  
熏爐香琬刻  
洗杓吸靈泉  
我愛長留此  
山深日似年

趙公碩 字

人紹興間官餘姚令



遊洞霄

野眼蕭蕭歎翠微  
虛亭高敞射晴暉  
仙歸洞府雲烟冷  
春入名山筍蕨肥  
緩引壺觴聊自適  
暫捐朱墨便忘歸  
會須結屋山中住  
始悟人間萬事非

再遊洞霄

舊時曾此覓仙緣  
一別於今四十年  
白髮重來嗟老矣  
青山九鎖故依然  
肩輿直入松間路  
洗耳還聽澗底泉  
幽興未關吟未就  
半峰斜石下平川

趙炎



弔瓊花

杜旂瓊花記紹興辛丑金主亮搨本而去小者翦而除之花頓萎悴矣以詩弔之

名擅無雙氣色雄  
忍將一死報東風  
他年我若修花史  
合傳瓊花烈女

廖斯任

字橫舟

遊金精次謝野韻

跨鶴仙妹已九霄  
尚餘勝地景偏饒  
石盤洞口疑無路  
水繞山根忽有橋  
樓殿雲栖迷曉日  
筠松風度響寒潮  
番君可笑成痴絕  
妄擬陽臺佩輦邀



吳 沆 字德強吳沆仲兄

暮春回紋

嬌聲轉處藏鶯小，美睡濃時落日斜。  
橋拂柳溪深漲水，野驚春雨過飛花。

邵知柔 字

人官祭酒

東呂太學禎

當時欲殺尚憐才，奏稿疏傳讀轉哀。  
一寸丹心朝士鄂，十分頭白道州回。  
汴京今日猶豺虎，陵寢多年沒草萊。  
聖主不勝嘗膽恨，先生無用鶴書催。



蘇雲卿

還張德遠書幣題詩蔬圃壁間

多年別作一番風誰料聲名達帝聰  
自有時人求富貴莫將富貴污蘇公

趙善應

字彥遠汝愚父官江西兵馬都監卜居崇德之錢洲

寧師西閣

飄泊南來幾歲寒追談往事漫心酸  
雲烟暮隔中原望歸折梅花忍淚看

次韻李長卿



一別芳洲不計年，舊時攀折柳依然。故人似欲撩詩興，  
賸折梅花向酒邊。

甄龍友

字雲卿，永嘉人。遷居樂清，登紹興進士官至國子監簿。

觀洞庭

秋風定，澄空氣渾然。恍疑太極未分前，只因有浪知為水。  
若遇無風，即是天。舊說君山張帝樂，新聞老木識飛仙。  
客而今，大洞黃庭又看題詩記歲年。

薛氏鏡山

我生不是先偶，與前輩隔古人。猶愛水況此千丈碧，孤



圓本然明萬象紛如繹行吟鬼破胆坐釣風生腋踈梅  
送晨粧漏月印金壁奇峰列雲影平橋漲春澤四時如  
劈剪一照成虛射緬想亭中人屢憩泉上石心空見了  
了起覓已他適吾詩復何言鏡鏡如痕迹

望君山

大洞黃庭太乙家君山一葉泛蓮花南征客認湘靈瑟  
北上人疑漢使槎尚想飛仙遊白鶴偶於懷袖落青蛇  
玉皇香案真如此我欲晨奔到廣霞

謝康侍郎送米



折腰鄉里媿陶潛五斗黃陳飯莫嫌一介古來難取與先生傷惠我傷廉

陳俊卿

字應求莆田人紹興中進士官至右僕射卒贈少師封魏國公諡正獻

修史堂

流水三間屋明公半席分帝嘗招此老天未喪斯文人去留青竹山空鎖白雲升堂時想像金石恍然聞

共樂臺

共樂台前花木深登臨當暑豁衣襟紅垂荔子千家熟歡翠擁簑簪十畝陰老退已尋居士服清風時伴醉翁吟



憑欄四望豐年稼  
差慰平生憂國心

寄林父軒

走筆題詩問起居  
近來導引復何如  
從教兩鬢霜無數  
却要三田火有餘  
示病想同摩詰病  
讀書還著子雲書  
梅霖十日宜高爽  
試共登樓一豁舒

晁端友

字君成无咎之父也第進士仕至新城令

登多景樓

樓上無窮景  
樓前正落暉  
開軒跨廖廓  
覽物極纖微  
雲破孤峯出  
潮平兩槩飛  
東溟門月上  
西渡認僧歸  
木落



吳天遠江寒越船稀魚龍臨海窟雞犬隔淮圻草色迷  
千古波聲蕩四圍廢興懷霸業融結想天機浩浩羣流  
會沉沉百怪依登臨誠偉觀回首重歔歔

早行

馬上雞初唱天涯星未稀驚風時墜笠零露暗沾衣山  
下疎鐘發林梢獨鳥飛遠峰烟靄淡迤邐見朝暉

馬處厚席上探得早梅

嶺梅何處早雪裡見芳菲北陸寒猶在南枝春已歸曉  
憶粧初見妬殘角未成飛引我江頭夢清香未滿衣



梅花

羅皎皎仙姿脉脉情絳綈仙萼裏瑤英色侔姑射無雙白  
臘香比醑醺一倍清腊後春前芳信密水邊林下曉粧明  
故應不屬東君管冷艷孤芳取次成

宿濟州西門外旅館

寒林殘日欲栖烏壁裏青燈乍有無小雨悵悵人假寐  
卧聽疲馬嘶殘芻

甘露望月

北固山頭寺風烟昔縱觀卧亭秋石狼環合海濤寒越



舶樓前聚江楓戶外丹最宜清夜月虛閣憶盤桓

鄭伯熊

字景望永嘉人授太子侍讀宗正少卿謚文肅弟伯英登紹興第

問津樓

周道直如矢亡羊古無有利欲蝕本心眼花大如斗適  
燕南其轅之越乃北走四海阮嗣宗臧否不掛口一慟  
激流俗新蕙發枯朽斯人向千載此意誰復剖問津非  
名樓端以覺蒙節

枕上

飄風不崇朝驟雨不終日清寒入絺綌御衿有餘鬱天



時不能調人事那可必清燈耿孤窗萬籟助颼颼憂愁  
從中來起坐髮屣櫛丈夫屬有念功名乃餘物哭冗萬  
間屋此意何時畢長吟答寒螿四壁轉蕭瑟

北園送閔簡州分得古字

我歌白雲篇送君水雲浦歌罷水雲寒伫立聽鳴榔江  
湖昔在手短策釣烟雨軒裳誤羈馱趨羣玉府朱墨  
浪自妍筆削竟何補高鴻墮秋枕歸夢紛莫數着鞭輸  
子先寤歌獨懷古中年況作別心事復誰吐故人分龍  
符江色映修組話舊定何時新知日旁午



次韵陳倅瑞巖之什

詩到南昌老更奇，固知流派自江西。  
滕王閣下秋濤壯，孺子堂前春鳥啼。  
我似癡蠅思驥尾，君如野鶴趁雞栖。  
十年翰墨元猶白，不識微言為指迷。

四月十四日至廣陵

春歸村塢綠陰迷，又向山腰轉馬蹄。  
收盡雪芳猶採擷，割殘雲穗再扶犁。  
鄉謠到處無音律，野飯黃昏只筍蕸。  
惟有客愁消不得，隔溪篁竹子規啼。

發舟道中



筍輿時得並溪行  
溪水秋來似鑑清  
仰看雲山勞眼力  
臨流照眼却分明

鄭

蘊字

青州人

題玉岩次韻

亂山環遶疑無路  
却望人家嶺上村  
古寺性耽泉石趣  
孤城不見水烟昏  
早行携杖雪初起  
夜誦挑燈景尚暄  
遙問隱君何處是  
滿巖松竹至今存

世路從來踈散甚  
江山好處且歸休  
飯餘正好遠尋景  
碁罷何妨閒倚樓  
嶺外梅疎初破臘  
岩前松老不知秋



晚風落日催歸興更約閑時取次遊

魯 嘗

字季欽海鹽人紹興初進士官太府御

觀武侯陣圖

西川漢鼎倚綸巾翠石累累作陣新一夜掃雲驚虎旅  
九天飛雨泣龍鱗當年已落中原胆今日猶憐故國身  
曾踏斜陽看舊壘英雄千古只伊人

魯應龍

字子謙海鹽人

題陳山飛星石并序

陳山觀音殿忽有兩石從半山闌墜而下一從殿後



壁滾入大士座下一墜殿之西屋瓦無損不知從何  
而入今二石尚存余乙卯歲到祠下賦詩於壁以紀  
其事

錦石雙星下翠微忽看移入小巖扉靈光夜靜歸山逕  
翠影秋寒上拂衣滇海始知鯨欲動零陵不獨燕能飛  
只令五色曾何補自採奇峰築釣磯

楊道亨清音子人稱赤脚道人

遺詩

八十一年饒舌終日化緣不歇重陽時節歸家一路清



風明月

趙汝能 字公舉海鹽人紹興進士

題崇福寺羅漢閣

粉壁龍蛇渾欲動  
石橋雲水亦生寒  
香銷日晚人歸去  
聽盡秋聲到夜闌

黃師參 字魯菴 人官贛州教授

玉巖有感

遊山苦無侶  
獨行亦自佳  
不羨籃輿穩  
軟草供蒲鞋  
小僧倚門問  
客從何處來  
長嘯不復答  
露坐面山隈  
往謁



玉岩翁縞衣絕纖埃祠宮蔽風雨碑碣荒莓苔四山壯  
幽閒百感櫻我懷先生竟何之山猿朝夕哀出處非有  
意於道相縈迴翁看巖表人白骨漫成堆所見明且哲  
屢表乞歸骸伫立三太息歸思落日催

王彥和

字

崇德人

書中貴人扇

天邊一線征鴻沒山色淺深墨未勻別浦漁舟待歸去  
夕陽渡口兩三人

張伯陔

字德象嘉興人紹興庚辰進士官尚書



題崇德莫氏椿桂堂

藝苑從來誇一第至比梯雲仰弟兄弟兄罕見五枝芳

昔說竇郎今莫氏莫氏一門真可榮二難三秀眾美并  
見者歡羨不易及徃徃苔兒親短檠

柳伯達

題濮公仙洞

昔日何人占弋山波光嵐翠照淮灣佩蘭隱者今何在  
煉石仙人去不還綠水渡頭空自急白雲嶺上至今閒  
高峰張令祠邊望古戍荒城半草間



璋

環溪夜坐

江天閑晚已斜陽靜掩柴門對草堂  
葉落轉枝翻鵲影  
星飛橫水帶螢光微風得雋驅殘暑  
新月出林生嫩涼  
坐覺秋容轉清爽一聲漁笛在滄浪

失題

下筆非能不自休清談未足第三流  
夢中讀易宜神動  
醉裏吟詩想鬼愁飛鵲豈徒驚燕雀  
騎馱直欲度華騶  
此君穎異無人識慚愧當年遇褚裒



楊后

題朱銳冊雪景

雪吹醉面不知寒  
信脚千山與萬山  
天甃瓊階三十里  
更飛柳絮與君看

題菊花冊

莫惜朝來准酒錢  
淵明身即是花仙  
重陽滿滿杯中放  
一縷黃金是一年

黃觀

重遊超化寺



西山背水古招提  
經歲重來覓舊堤  
撼撼鼓秋黃葉下  
陰陰結雨黑雲低  
平生恐負林泉約  
明日還愁步履迷  
睡足一甌湯餅滿  
更休作礼問曹溪

梁子美

劉仙岩

神仙留異古今傳  
窮理修真本自然  
遺趾宛存疑谷口  
蒼崖喬木聳青天

鄒塾夫

全州尹氏觀



不嫁當年自薄情一朝跨鵲上青冥  
人間有女能如此羞殺天邊織女星

謝景溫

游雲門

若耶欲盡山轉青中有三寺山為屏  
秦峯表裏植蒼翠仰視萬木相崢嶸  
雪霜洗盡塵土迹龍蛇蟄處烟氛生  
我携賓友事登覽穿徑已覺毛骨輕  
窮幽涉險興不盡岩房留宿神逾清  
寒隨陰谷一夜至酒力半酣如不勝  
狂歌出門步竹徑正見溪橋霜月明  
幽泉亂迸石竇響



松風遠送哀猿聲，凌晨後嶺縱俯仰。  
長林翠阜何從衡，猷之舊地不可辨。  
懸崖欲斷石為坑，五雲散盡遺蹟滅。  
老僧至今傳此名，憑高覽古復太息。  
翻嗟萬事多廢興，丈夫出處固未測。  
我於山水風有盟，區區世路雖可厭。  
脫身向此誠獨醒，豈如來興事茲樂。  
賞心不繫窮與亨，昔人避世非獲已。  
我今安學禽鳥情。

若耶溪

若耶溪出若耶山，浪裏溶溶入醉閑。  
仙客曾因一箭贈，樵風長到五雲間。  
數峯蘸碧輕清外，更舸浮春上下間。



料得當年來興子為貪烟水宿前灣

劉敏求

滕王閣

閣中環佩知何處遊子再來春欲暮鶯啼紅樹柳搖風  
疑是當年舊歌舞古來興廢君莫嗟君看紅日正西斜  
西山不改舊顏色換盡行人與落霞

陸士規

黃陵廟

東風送草綠離離路入黃陵古廟西帝子不知春又去



亂山無主鷓鴣啼

隆按士規紹興間布衣也工詩秦檜喜之嘗挾秦檜書干臨川守饋遺不滿意升堂慢罵守懼以書白檜自解檜怒甚士規請見不出但令其子小相見之問其近作士規誦黃陵廟一絕小相入誦之檜吟賞再三待之如初世傳檜極愛文字於斯可見士規有詩集五卷湮沒無聞蓋亦未曉因不失其親者也



銅馬歌

宋時郫縣村民鑿古墓得一銅馬高可三尺許製作  
精妙簡池守景季淵取歸中宵風雨輒聞嘶聲遂不  
敢收留移送佛寺紹興丙子王灼以事至成都黃伯淵

見索因作此歌

君不見武皇逸志凌九垓追風躡電思龍媒魯班門外  
立銅馬天廡萬匹皆塵埃又不見伏波將軍破交賊歸  
來殿前獻馬式據鞍習氣殊未衰想見老子真矍鑠兩  
經翻覆知幾秋只有山河共客愁孤烟落日蝨叢國出



此神物於荒丘千年黃壤誰作主獨把歸心泣風雨但恐一朝去無踪有似豐城寶劍化雙龍

王

質

字景文號雪山東魯人過江寓居興國紹興庚辰進士

東流道中

山高樹多日出遲食時霧露且雰霏馬蹄已踏兩郵舍  
人家漸開雙竹扉冬青匝地野蜂亂蕎麥滿園山雀飛  
明朝大江載吾去萬里天風吹客衣

留別虞樞密

太倉宇宙久陳陳合與英豪共挽新修造鳳樓須有手



住持烏寺可無人千官禮絕三司貴一士歸心萬國春  
藉與八風吹六翮飛騰意度不無神

方有開

字躬明淳安人隆興進士官淮西運判有溪堂集

### 方仙翁祠

真仙祠觀鎖晴嵐下瞰平時十里寬  
譜牒尚遺唐篆額風儀仍是漢衣冠  
紫芝白兔靈如昨石碣丹湖事不刊  
千載仍孫牛馬走敬瞻遺像仰高寒

王

闡

字無功宛心禪學紹興十六年沐浴更衣趺坐而化

在京師故園見鄉人問訊



旅泊多年歲志去不知迴忽逢門外客道發故鄉來歎  
眉俱握手破涕共銜杯殷勤訪朋舊屈指問童孩衰宗  
多弟姪若箇賞池臺舊園今在否新樹已應栽柳行疎  
密布茅齋寬窄裁經移何處竹別種幾株梅渠當無絕  
水石計總生苔院果誰先熟林花那更開羈心低欲問  
為報不須猜行當驅下澤去剪故田萊

葉

黯字晦竹

人紹興十九年為福建帥屬

送洪景盧自福泮滿歸二首

一門伯仲知誰似四海文章正數君何事與予如舊識



由來於世兩相聞  
閑官各喜光陰賸  
勝地空多物色分  
忽復翻然從此去  
便應變化上青雲

此地相逢驚歲晚  
登臨况是客歸時  
却將襟抱向誰可  
正爾艱難惟子知  
情到中年又作惡  
別於生世易為悲  
梅花盡醉清江上  
點淡西風凍雨垂

張金

龍隱岩

何年此地蟄飛龍  
石壁蜿蜒尚有踪  
為報龍公莫貪睡  
郡人於爾卜凶豐



王

蘭

字謙仲廬江人乾道進士孝宗朝厯官礼部侍郎

中塔悟空禪院

有引

予前年自江西召還以十二月六日抵修門雨後微雪  
宿接待院今得罪去國復以是日雪中來明日過皋  
歎亭見福公長老言及相與太息因留三絕

重到招提恰

一作却

兩年北窗風雪接衾眠客來休說邯

鄲夢世事端知不偶然

富貴危機豈獨今且從麋鹿逐山林只慙莫報君恩重  
敢廢惓惓畎畝心



臯亭回首軟紅塵  
晴日僧房暖似春  
禪老耽耽如卧虎  
相逢一笑問前因

詩

燁

字國器烏程人紹興十八年王佐榜登第歷  
官御史司業祭酒

羅浮寶積寺

木落天寒山氣沉  
年華客意共蕭森  
偶於佳處發深省  
其實官遊非本心  
紅日坐移鐘閣影  
白雲間度石樓陰  
還家莫話神仙事  
老不寬人雪滿簪

鶯花亭讀秦淮海詞有感

亭在處州少遊  
曾監處州酒稅

人生多技亦多窮  
隨分文章底用工  
淮海秦郎天下士



一生懷抱百憂中

楊由義

字宜之本間封人避地鹽官朱文公其弟子也孝宗時累官刑部侍郎

弔王忠肅

名稟靖康時堅守太原城陷父子同赴水死

太原城下屹行宮  
雲樹籠蔥掩碧空  
鐵馬無聲汾水急  
滿天風雨泣英雄



宋詩拾遺卷十七目錄

沈樞一首  
黃登二首  
沈清臣二首

黃矩一首  
李浩二首  
陶崇二首

李庚三首  
姚嗣宗二首  
陳揆一首

吳沆八首  
陳靖一首  
蔡幼學六首

葉庭桂一首  
徐夢莘一首  
黃照一首

陶金一首  
無名氏五首  
劉元剛一首

魏杞一首  
查一首  
劉儀鳳一首

鄭會龍一首  
王子宣二首  
蔡瑗一首



潘朝英 二首

馮 崧 一首

李 育 一首

胡子澄 二首

徐德輝 五首

謝 濤 一首

吳 琚 一首

郭知運 七首



宋詩拾遺卷十七

錢塘陳世隆彥高選輯

沈

樞

字持要德清人紹興間登第歷官監察御史

百福寺

在孝豐縣東南

築室最高處軒窗八面通鑿山流乳液開戶納薰風中  
履隨涼設茶瓜與客同我來資解慍不羨楚王雄

黃

登

字

閩中人官宣都丞

題玉岩

占斷烟霞老一丘玉岩閔厯幾春秋削成四壁開三面



比似他山出一頭幾欲登臨尋勝概偶然休沐得佳遊  
醉磨濃墨書岩石恨不携琴更少留

飄然投紱卧雲林一片平生鐵石心不是遭文能動我  
誰令弔古便沾襟身同逝水幾寒暑名在空山無古今  
仰止高風琴牀下還教三嘆薄朝簪

沈清臣

字正卿烏程人一云鹽官人紹興丁丑  
王十朋榜登第

### 遊道場山

松篁十里綠成谿短短籃輿入翠微回首青山已成迹  
隴頭猶見白雲飛



嚴灘懷古

桐廬之山屹如址，桐江之水清見底。  
間關萬里却歸來，依舊此山如此水。  
子陵一節壽漢脉，名與高山俱不死。  
惜無陋巷為邦學，禮樂不聞古人耳。

黃矩

陸象山先生墓

西風匹馬駐郵亭，茆屋雞鳴尚未醒。  
野寺秋聲三迳竹，石橋雲氣一潭星。  
寒欺短褐霜華白，水落平田野蔓青。  
師友家傳今寂寞，欲移文字問山靈。



李

浩

字德遠臨川人紹興十三年乙科歷官吏部侍郎

述坡

數椽臨蒼波我目得以寓長溪山根來澄潭一回互萬  
象森可掬脩脩澹清素草短牛羊飢沙暖鳥鷺聚枯槎  
汲自斷岸野艇橫野波荒寒何代城隱醫尚門戶昔時歌  
舞地今日採樵路回薄萬古心斜陽在烟樹

出疎山

忙中安得此身閑杖策西風自往還今日已償雲水債  
籃輿帶雨下疎山



陶崇

訪僧歸雲菴

間過選佛場。歸雲翠如潑。入門偶有言。啟頰師便喝。掩  
耳煨芋爐。但把火深撥。呼童酌玉虹。注之旃檀鉢。噓灰  
然微紅。橫鐫水煎活。茶酣登甲亭。雙眸為之豁。鳥啼空  
山幽。翔來集本末。風月一何佳。團圞共披抹。悠然澹忘  
歸。于茲得解脫。

筆山

晚來設色霞成綺。秋至回文鴈作行。借問墨池何處是。



一江環遶漱琳琅

李庚字子長台之臨海人紹興進士知素州

畫扇

睡起小樓春又殘半垂雲袖傍闌干楊花飛過鞦韆索  
一陣東風作曉寒

雙巖堂

吾州山水窟城郭擁寒綠戢戢羣峰間峙此一雙玉相  
對如佳賓可敬不可瀆空翠撲衣裳夜來雨新沐

霞起堂



赤城古洞天，彤霞照山谷。  
爛爛九光垂，餘輝借草木。  
伊余有痼疾，企望常不足。  
待與馬練師，耘芝灌松竹。

姚嗣宗

暢巖

石作峒房勢，水隨人意流。  
兩巖長濺雨，五月便驚秋。  
此景多深趣，吾心真樂遊。  
山翁中宿酒，欲醉五更頭。

暢巖懷古

寒谷長留九秋氣，暢巖別是一壺天。  
清風不斷名猶在，還繼宣尼出聖賢。



陳揆 字幼端永嘉人登紹興進士官至湖南提幹

即事

誰家庭院冷蕭蕭  
閉却朱門不許敲  
惟有東風藏不得  
隔牆漏出杏花梢

吳

沆

字德遠撫州崇仁人自號環溪居士謚文通先生有環溪集

春遊吟

鳥語烟光裏  
人行草色中  
池邊各分散  
花下復相逢

首夏

積雨有餘潤  
遊雲無定陰  
燕飛華屋靜  
鶯轉碧窗深



折花

野花開處客徘徊  
蝴蝶攆飛欵復開  
折得野花隨手去  
不知蝴蝶逐人來

以易授珙有契於予心喜而成詩

早日功名世背馳  
擬將文字療寒飢  
雖無杜甫驚人句  
庶勉淵明責子詩  
總角宜興俱脫穎  
含哺應惠尚兒癡  
殷勤謝爾傳心印  
邂逅靈椿見五枝

晚歸

夕陽欲西沒宛轉山氣昏  
獨逝頗無累時欣暗徑林棲



鳥未穩集歸馬無聲奔恍惚自得意興來誰與言

早行

晨風襲微和曉色動佳氣冥冥四郊烟漠漠一川水前  
村雜犬喧遶樹鳥雀喜山腰客行來林下雉驚起時聞  
牧童謠不見騎牛至回頭望東隅曉日燦光麗胸襟倏  
暄煩敗我幽靜意行行載馳驅已復到城市

晚晴

夜半雨復作朝來雲又晴秋花洗幽艷池水湛虛明草  
色侵衣濕山光入座清茅檐正幽寂啼鳥兩三聲



野外

野外望中濶，遙山宛轉隨。  
小溪芳草合，高樹古藤垂。  
鳥疾過驚風，急雲行度嶺。  
逶迤回頭失，歸路還問老農知。

陳靖

燕

秋去春來不倦遙，流鶯相伴語交交。  
兒孫各自飛鳴去，猶揀新泥補舊巢。

蔡幼學

字行之，永嘉人。登乾道第，官至兵部尚書少師。諡文懿，祀鄉賢。

和林擇之齊山韻



褰裳涉秋浦散策上齊山  
盼往謝塵囂瞻新得層巒  
萬象翕呈露跬步不可間  
下巧瞰坤軸高奇仰天剡  
砦礪所穴截薛秦開闢始探  
因偃倭徐行快平寬斲鳳扣  
危壁登虬俯澄灣突然出鰲  
背但見江漫漫匪特激愚  
濡且以訂羣頑

早至湖心小園

涼月在木末我行出林坳  
林坳何所事愛此朝氣清  
池荇浥風露洒洒醉夢醒  
來禽俯清泚相照臉色頽  
悠然到瓜田鉤蔓亦軒騰  
萬物咸得宜吾生亦何營



浮家

春風掃積素春雨漲新綠再行適良願及此嘉致足溪  
桃綻腮紅溪柳起膚粟萬物欣向榮吾生亦從欲浮家  
信所之懽意到僮僕行樂人有言未省我心曲憶昔西  
湖春安輿探芳谷綵舫漾晴漪名園玩清縟星郎引羣  
雛戲舞衣粲粲歸來夜未央清話屢更燭只今天一涯  
把酒遠相屬富貴竟何時一官乃羈束法喜聞我言低  
回若驚辱一笑強相酬歸裝宜早促

月夜贈項子謙



月色淨如水奈此清興何誰人當領此隔屋呼項佗駕  
言先我出追隨費經過履聲適相逢歡然憇亭荷乾坤  
何浩蕩水月光相磨醉歸巷無人羣兒目前呵

晚泊

落日維舟處沙頭望眼平牛羊分隴下燈火隔林明人  
散村墟靜溪寒風浪生漁翁醉眠穩小艇任斜橫

田園

野水萍無主清風草自香庭陰新似染物色去如忙岸  
樹魚依綠畦花蝶聞黃家園向來夢靜數四年強



葉庭珪

字嗣忠嘉興人官太守

茉莉

露花洗出通身白  
沉水熏成換骨香  
近說根苗移上苑  
休慙系出本南荒

徐夢莘

字商老

與鄉人宴集彈子巖中作

吾儕生江南遠近且鄰鄉  
一官皆為貧糊口走四方  
遇合良獨難動如參與商  
誰知自有時朋盍聚炎荒外  
臺參計畫幕府佐紀綱  
出宰得壯縣司教涖羣庠  
曹掾勝



三語簿領真仇香不止似人喜頗覺吾輩張合坐尊序  
齒避席敬行觴巖洞縱登覽杖屨陪徜徉棋矢以相娛  
嘯歌情意長舉酒起祝規愛我藥石良古人尚植立君  
子道其常平生學忠孝餘力從文章臨節不可奪當官  
有何強窮乃見節義老當志彌剛鴻鵠在寥廓駢驥終  
騰驤願言各勉旃事業要輝光他日光上道富貴無相  
忘

黃 照

雉山



為愛空門息世機  
儒衣不著著僧衣  
淵魚林鳥已聞法  
更待當年瑞雉歸

陶金

過全州

南北東西幾萬峰  
郡城如在畫圖中  
何人裁斷湘妃竹  
半蘂秋江作釣筒

無名氏

游月巖

石磴嵌嵌幾許層  
坐來心迹自雙清  
不知混沌何年鑿



便有嬋娟一鏡明。周穆馬蹄何寂寞。謝公屐齒欠安平。飄然欲禦長風去。冉冉烟雲脚下生。

訪東溪舊居二首

出山曾與白雲期。為道歸來自有時。花老任從春盎盎。客愁寧免鬢絲絲。知還迥有陶潛興。念遠誰憐宋玉悲。見說竹林新筍盛。已分清影過籬籬。

去去來來醒醉間。事牽南北自相關。寒蛩數處坐中苦。歸鴈幾聲天外閒。情愛已流三峽水。夢魂時傍七星山。去齊孟子休濡滯。豈必虞庠好鑄顏。



白石山

川歸祥雲轟轟玉峰高  
瑤草香烟醉碧桃  
聲斷鐵歸鶴鶴馭  
長風空壑鎖松濤

題靈鷲山石壁

跨鶴曾來不記年  
洞中流水碧依然  
紫簫吹徹無人問  
萬里西風月滿天

劉元剛

香城寺

未行陶令里  
早自慣昇藍  
米市呼千許  
香城訪晉曇神



遊青黛岳詩到碧雲菴不管衝寒去乘風破曉嵐

魏

杞

字南夫壽春人先為涇縣令用錢端礼薦入為大理寺簿後至相位

寄送左彥武歸鄉

折桂歸來日西風萬里秋錦衣天上客紅葉渡頭把  
酒難為別題詩更欲留明朝山水隔何日是重遊

查

字元章

過萬州湖灘寄王龜齡

滿目暮山平遠一池雲錦清酣忽有鐘聲秋際直疑夢  
到江南



劉儀鳳 字韶美

飲王龜齡瑞白堂秉燭觀跳珠分韻得珠字

別來世故朝昏殊相與言之汗模糊兩翁得酒促坐席  
感深念極氣欲蘇籀龍亦解作水供細繹尋丈如渴馬  
衣巾生秋背毛豎金石相印環佩趨江山豪壯旁尊俎  
醉中頻貫累累珠此時一事復掛口為樂未竟成喑鳴  
夔州憂民困湯火潤澤有志無垣途眼前焦熬十萬戶  
欠伸戲笑皆霑霑自操量鼓入官廩不輸一錢分水符  
讀書功名無表畔久矣俗吏輕吾儒

州民輸租得自操  
縣是元城中水錢



以己奉補公帑此  
入境得之民謠者

鄭會龍

題蔣詩翁故居

許翁仙去舊壇荒  
雲滿空山花自香  
老盡遊人春不問  
杜鵑聲裏幾斜陽

王子宣

鳳巢山

古邑荒涼瞰小溪  
青山高與白雲齊  
鳳凰飛去巢阿閣  
未肯重來覓故棲



鳳凰飛去聽蕭韶  
燕雀羣飛想見嘲  
記取舊時棲止處  
莫教鷹隼誤來巢

蔡 瑗

題雉山院

白雉聞經向北山  
轉身來伴老僧閒  
大都見善能開悟  
天上人間任往還

潘朝英

善濟寺

春潮暮落海門山  
百艇齊飛牡蠣灘  
分得魚蝦歸野市



滿江鷗鷺夕陽閒

倦客登臨力已疲  
高僧故索小窗詩  
江山最好君知否  
春去秋來烟雨時

胡子澄

遊乳洞庵

齊結屋青山下  
幽深不計年  
泉聲秋際雨  
鐘響暮晴天  
入洞尋僧伴  
穿雲見鹿眠  
徘徊不忍去  
夜宿佛堂前

雙松亭

築居喜物外  
披徑窮木末  
層阜繞襟帶  
澄江見毫髮  
紛



紛山蜜熟泱泱春泉活林梢閃猿隕石罅却月閑坐久  
百慮寂望遠孤興發何必較吾殊吾自師吾達

吳璠

春日焦山觀瘞鶴銘

硯  
昔愛山樵書今踏山樵路江邊春事動梅柳皆可賦  
蕭蕭石徑微白浪洒衣履臨淵魚龍驚捫崖猿鳥懼古刻  
難細讀斷缺蒼蘚護歲月豈易考書法但增慕摩挲發  
三嘆欲去還小住習氣未掃除齒髮恨遲暮華亭鶴自  
歸長江只東注寂寥千古意落日起烟霧



馮 岵

全州南城

全州城南何壯觀，石崖為趾江為壕。  
凌落渡江騎馬去，空濛障霧漫綈袍。  
逕遙過灘水小艇浮，桐槽半渡急雨  
雪舟師失飛篙。而如山路水如注，石齒  
聲確森戈刀。馬蹄轉側不得過，有力如  
虎空皮毛。地窮路盡處橫絕，青  
山高牽衣扶杖躡天險。十步九顧愁  
猓猓，長沙頓伏幾百折。背膂苗蠡盤  
鯨鰲，馬瘦人力倦。野濶風怒號薄暮，  
投宿驅濕厲析薪。爨鼎燒村醪，一杯  
酸澁不可嚙。平原



督郵羞兒曹我行湖湘歷八郡政欲閒實寧辭勞才疎  
病懶事多廢南山何日接蓬蒿清風明月共三友山猿  
野鷓來二豪一江春水澄葡萄蘆花萬頃眠漁舸

徐德輝字

永嘉人

夜寓舟中

秋氣清如水推蓬夜不眠蘆花新有鴈莎葉尚鳴蟬斷  
夢疑堪續哀吟最可憐漁童看月上吹笛舵樓前

夏日和韻

方沼晴波動虛堂午蔭新夏衣誰賜葛午食自烹鱗山



近書多潤窗開硯易塵試茶燃石鼎汲井就西鄰

初夏遊謝公巖

又取沙衣換天時起細風晴陰花落後長日鳥啼中水  
國乘舟樂岩扉有路通州民多到此猶自憶髫公

寄隱士

亭深自無暑苔徑復紫紆賓客不長到兒童足可娛荷  
花晴帶粉蒲葉晚凝珠與爾城闌隔茲懼想不殊

釣臺

歸把灘頭舊釣竿帝王只作故人看此身合向丘林著



漢祚已如磐石安流水無情千古在客星有影九天寒  
到頭笑殺鵝夷子便下扁舟去也難

郭知運

字次張  
太守

人紹興二十一年進士官荊門

### 登凌鼓臺

臺荒落日屯臺名空在耳大江天際來疊障雲邊起空  
見梵王宮占斷黃山址殘碑何處捫塔影秋空裏

### 岳陽樓紀興

淼淼長江百尺樓樓頭宿雨坐來收天連衡嶽烟光淡  
日抱瀟湘水氣浮風月豈消今古恨江湖空代廟廊憂



風波滿目鄉閭遠夢遶駕湖問釣舟

寄楊公闇修撰

秀翩翩五采鸞乘雲飛傍玉闌干天開金馬文章署  
詔選銀魚侍從官念我羈栖三涇水憐君出入五雲端  
從容退食鳴琴處肯信風塵作吏難

送張子韶摘居南安

稜稜直節振朝班孤劍衝風夜度關東海波濤明主德  
西江烟雨逐臣顏霜青楓老丹成樹月落猿啼淚滿山  
橫浦樓遲君莫恨已留名姓在人間



寄孟始兄兼示弟姪

奄忽離家已數秋，湖山何日掃松楸。  
封章允得天恩許，便買春風海上舟。

偶成

鼇鼎功名染指來，故園山水亦悠哉。  
可人最是根園菊，不待秋風也自開。

早春

年來飄泊任西東，解組論文意自雄。  
臘盡竺溪漁唱晚，杏花溪上又春風。



李育

飛騎橋

孫權為張遼所襲乘駿馬上  
津橋板撤丈餘超度得免

魏人野戰如鷹揚吳人水戰如龍驤氣吞魏土惟吳王  
建旗敢到新城旁霸主身當萬夫敵麾下倉皇無羽翼  
途窮事變接短兵生死之間不容息馬奔津橋橋半撤  
洶洶有聲如地裂蛟怒橫飛秋水空鶚驚徑度秋雲缺奮  
迅金鷄汗沾臆濟主艱難天借力艱難始弔報恩時平  
日主君須愛惜

謝濤



讀史

百年奇特幾張紙  
千古英雄一窖塵  
惟有炳然周孔教  
至今仁義浸生民



宋詩拾遺卷十八目錄

姜機一首

李健一首

趙汝愚四首

錢文一首

杜東之二首

衛涇一首

趙崇森一首

陳譙二首

呂祖儉五首

胡朝頴一首

胡融二首

朱翌二首

陳炳一首

莫若冲四首

莫若拙一首

蔡開一首

郭時雍一首

周去非一首

鄭伯英三首

木待問三首

衛富益一首

王用亨二首

葉時二首

一首



姜 一首

劉 一首

吳 儆 一首

李山父 一首

凌 雲 一首

董居誼 四首

江邦佐 一首

雷隱翁 一首

崔 靜 一首

晁公遡 四首

徐得之 二首

宗子文 三首

胡 圭 四首



宋詩拾遺卷十八

錢塘陳世隆彥高選輯

姜機字彥發嘉興人乾道二年進士開國侯

題日哦軒

高軒多暇日宴寢獨怡神風俗誰今古雲山自主賓  
灘平分燕尾松老半龍鱗徙倚清陰下吟懷愧昔人

李健

題詞山

環午庭官事了心與白雲閒泉脉瀉崖谷天風吹珮還花



開烟靄外人語翠微間山色看來好相面不放還

趙汝愚

字子直善應子乾道間進士第一官吏部侍郎

送學士汪大猷歸鄞

尚書天官貴持經倚帷幄青冥欲無際白首非故約連  
檣動南浦父老望巖壑下車入里門執手問歉樂十年  
幾風雨寒雞叫屋角勤勞畢我分帝賚出籠涇殊過奉  
香火禁直連六閤遂令宦室思從今問晦朔

題天風海濤亭

幾年奔走歷塵埃此日登臨亦快哉江月不隨流水去



天風直送海濤來

題竹贈衛清叔之潭州

颺颺忽見青鸞尾  
掃過翠屋岡上頭  
昨夜月明仙手過  
玉笙吹徹萬山秋

致爽軒

濃陰失道水流渠  
吹盡殘花不復餘  
唯有范家千畝竹  
青青依舊色侵書

錢

大字  
大叔常德人乾道間進士官猶州守

題梵竺卿蓮居



梅繞蓬居不計株水仙數畹芳聯竺卿白業二香妙  
世界紅塵一點無可比遠公蓮社勝應嗟陶令菊園蕪  
爐薰清鼻茗澆古月浸松窓對結趺

杜東之

雲安玉度觀南軒感事二首

樛梧值歲首擢起青琅玕其葉大如掌具陰灼若攤弱  
翰尋丈展氣已風雲平期之四五載定尺容棲鷺我老  
無定居僦屋蝸螺陸平生輞川宅面勢胸中盤河雷遂  
誅節規庭十步寬非無松柏堅未易蒼龍搏種此南窗



不醉眠風雨寒

念我蓄一櫛間開走西東  
搗詩三百年出處靡不同  
朝梳帶殘月暮鍾含清風  
戶樞既日運何由生  
蟲蟲今最無故折脫響猶春  
菴物理有定數吾生得無窮  
即事感書百慮撫躬悲一翁  
空囊乏真錢關市多良工  
驚膠墮渺

茫秋扇慙初終從渠老齒豁  
梅我醉顙童

衛

注

字清叔嘉興人孝宗親擢進士第一官參知

遊澱湖

疎星殘月尚朦朧  
間起烟波一棹風  
始覺舟移楊柳岸



直疑身到水晶宮  
高竊天際墨子然  
白鷺灘頭玉一叢  
款乃一載回首處  
西山橫在有無中

趙崇森

行教寺中白蓮花詩

舊址來從晉中閭  
幾廢興一蓮開  
陸地三女臥閭陵  
題咏誇前輩  
流傳得主僧  
林深鐘梵寂  
長夜月明燈

陳

謙字正仲

人隆興初進士官至兵部侍郎

潯州南山

天造其山在貴之陽  
二十四峰拔地削  
因其山維何如



彼玉蒼宅位于離火德之祥南山何有有方其巖若堂  
甚夷若門者三穹者圓蓋植者羽參石像天成匪鑿匪  
剜陟彼山巔有洞益奇南北戶通十里頓闢伊晉之洪  
采藥于斯丹飛井甯木潤艸滋昔我太宗雲章下賁於  
皇仁廟奎文押至巖處有粹神護孔閔丕昭聖朝聲化  
遠暨南山不寫天子萬年南山不朽天子萬壽無量惟  
壽與天齊久小臣作詩永賜于後

彈丸山

地迫山奇怪神仙喜穴居百雲剡洞巧五石補天餘箇



野幽人夢周南太史書心乎愛丘壑勝概一躊躇

呂祖儉

題史子仁碧沚

碧沚即  
芳草州

子仁名守之心非叔父彌遠所為著昇聞錄以寓規  
諫避勢遠嫌退處月湖與慈湖諸公講肄為樂宣宗  
御書碧沚字賜之

相家小有四明山更葺桃源渺莽間四面樓臺相映發  
下川烟水自青環

中川疊石勢巖戕城外遙岑聳翠螺舊說夕陽無限好



此中更得夕陽多

汎舟至竹洲歌兼訪沈叔晦煥所居

湖光拍天浮竹洲  
隱然一面城之幽  
中有高士披素裘  
我欲從之恐淹留  
探囊白金辦扁舟  
又煩我友著意修  
微風一動生波頭  
飛棹來往倦則休  
兀兀坐曹如繫囚  
吏餘只有萬斛愁  
一生安坐無幾求  
今日棲遲如置郵  
脫帽露頂固狂流  
俯首折腰亦可羞  
誓將入海登之衆  
棄置人間繞指柔  
蒼然暮色下牛羊  
出度語默兩悠悠  
九原可起柳柳州  
燕坐相與來始遊



金沙臺

謫居無地寄幽懷  
有高臺自漢開  
紫極晨光招我望  
錦江春色逐誰來  
賡歌惟憶多炎裔  
作賦應憐乏賈才  
人物若增山水勝  
詩仙龍種兩奇哉

題聽雨堂

玉筍參參好弟兄  
幽軒共對短燈檠  
搏風萬里志將遂  
聽雨幾年心獨清  
戲綵奉觴歡正洽  
對床歎枕夢初成  
此時細細簷花落  
別是一觥風雨報

胡朝穎

字達卿  
安人乾道進士官武昌令通判嘉興有靜軒集



小金山

天光雲影碧相涵  
百頃玻璃一望間  
綠水遶門迷客渡  
白雲終日伴僧閒  
疎鐘破曉潛虬動  
老木成陰倦鳥還  
喚取頭陀磨石壁  
為渠題作小金山

胡融

葛洪井

荒巔有野井  
古意豁宜搜  
薜蘿已摧剝  
雲蘿秘清幽  
憶昔抱樸翁  
煉液棲高丘  
丹成已蟬蛻  
巖花戲春秋

登石臺山與劉次皋李揆王度周仲卿聯句



璇臺拂中天，乾坤發端倪。荆榛夾險道，自古誰攀躋。嘉  
子二三友，乘興同杖藜。行行陟其巔，一搥手自揭。上摩  
白鬼宮，下躡青雲梯。傲睨羣動間，太倉米一稊。俯瞰萬  
家邑，戶牖開蜜脾。羣巒盡東驚，駛若萬驥馳。馬秦忽破  
碎，象島尤瑰琦。杜鵑狀雄尊，白鯉波連漪。視城橫朱鳥，  
秀連秋水湄。崑崙摘屋巔，上可捫南箕。羽人煉丹丘，迄  
今有遺基。維西控桐柏，巖壑爭獻奇。鴈蒼直拈蒼，勢自  
金庭。霹靂三十六，赳赳起龍鳳。姿繼北際四，明塢巽非  
人。窺天門，何蕩蕩。香巖獨兔兔，帽峰冠朝霞。誓山來夕。



瞿眼濶得世狹身高衆山低清遊慨俗子險語驚山魃  
持盃迭獻酬磨石共錫題短李才調逸手力拔衆犀鬣  
胡詩之豪鼻息干雲霓閎雅推王子皎然霞外期劉君  
輦一癯仙胸中無町畦周節萬夫敵猛將聞鼓聲或倦而  
憇石或勇而臨涯或袖手冥換或抵掌滑稽或倚松盤  
桓或望雲慙悽矯矯出籠鶴甲甲在樊籬靜躁各異物  
物情無不齊來塗逢野姬問我何所知自言石出世曾  
夢金仙栖獻歲買官酒登山酣地祇君今共我夢從此  
開山蹊彼姬尚爾耳我曹焉已而他年五君咏永勒茲



山陸

朱

翌

字新什舒州滿山人以太學生賜第南渡後  
官秘書監預修徽宗實錄

示同會

無奈春光老不禁喜看晴日上窗櫺  
羣花半露乾坤巧  
百刻平分晝夜傳  
拄杖有時桃李甲  
桔槔無復問畦丁  
逢春不出何為者  
衆醉誰知可獨醒

觀弄獅子

狡狴日走二百里於菟聞之望風靡  
春晴酤酒大合樂  
乃向尊前應宮徵  
嘖呻奮迅左右顧  
握馬悲鳴汗流水



供官自古載太常失脚何年落村裏佛居勝我空谷中  
吼法怖魔如此耳人間宜假不宜真此理吾令得之矣  
陳炳 字宜之 人滿熙間人

資福院平綠軒

水屋圓春綠雲岑送曉青無心向朝市信步到禪扃野  
意連天遠疎鐘隔岸聽杯行莫辭醉簷月笑人醒  
莫若冲 字子謙崇德人滿熙間進士官大理丞

屠甸

偶然屠甸見浮屠為問屠中有物無見說庖丁游刃在



恢恢全不費工夫

初春趙仁甫宴邑官平綠見招

平綠題詩四十年尋幽不厭水雲邊  
一犁還又耕春後三白曾來醉臘前  
自笑掛冠林下客得陪揮麈坐中賢  
絕嫌幻色撩人思快觀晴川遠接天

過崇勝院

首歲融春十有秋曉行猶自索貂裘  
身閒暫脫微官縛市隱何如此地幽  
一水相望三里近十年重到片時留  
買田擬作終焉計真是飄然不繫舟



石門張氏園

為米徒勞束帶難當時彭澤便林官  
高情曾賦歸來句  
盡入名園扇署看

莫若拙  
字子才崇德人  
滿熙中進士

平綠軒即事

結屋地猶淺鉤簾景盡還嵐光烟樹外  
野色酒杯間  
別墅從渠樂清吟  
層我閒狎鷗時  
點白機事不相關

蔡開  
字子明崇德人  
滿熙中進士

平綠軒



瞰水地仍敞開窗望不迷良時連遠近秀野混高低曉  
起烟千樹春耕雨一犁道人深樂此壞衲且幽棲

郭時雍

字子和

人官河東提舉

白雲廬

吾愛白雲雲愛吾朝朝暮暮伴吾廬  
從龍傍鳥隨他去  
留與幽人作畫圖

周去非

字直夫永嘉人隆興進士

懷歎歛

白雲近空山清風動修竹竹間何所有曲澗殺谷谷山



迥何可窮萬里來懸瀑昔有君子廬清標謝王屋北山  
茲正高邦君見良燭吾黨詎敢忘封植此佳木

鄭伯英

字景元  
官

人登隆興癸未進士擢秀州判

放龜

城中有四靈麟鳳神龍龜鳳翔兮千仞麟兮不可羈天  
用莫如龍在在風雲隨拙哉老督邇何時列於斯浪言  
蓮上巢甘作牀下支牀支木為辱剝剔良可悲陂塘溢  
春水爬沙聞晴曦漁師捨網罟振取如捨遺解甲伏礎  
跌哀鳴極鳴叩卜師更安忍鑽灼無完肌有身不自靈



昔聞今見之百金出敝櫓  
駢首還清漪千歲善保汝左  
願非我期願言貽日者  
吉山訪藂著

和清卿雪溪泛舟晚登華蓋亭

滿江風雨釀清愁  
坐嘯烟波一葉舟  
目送飛花千里去  
身隨空碧一鷗浮  
兜羅世界成遊戲  
款乃聲中自唱酬  
試問剡溪四棹客  
可能乘興上南樓

清明泛舟

風雨連朝忽轉晴  
天還著意作清明  
簿書共了公家事  
尊酒聊酬我輩情  
花却餘寒紅尚瘦  
柳融初日黛猶輕



一年春事總如許又作明朝被襖行

木待問 年蘊之永嘉人隆興狀元官至太子詹事

火後寄詮老

換搶墮九霄列缺亂什陌西城若黔廬東壚已堆甍幽  
栖僅容膝隱市意自適天公不我相同此編戶厄平生  
一丘壑未信天地窄終焉感窮途萬慮集中夕載觀宇  
宙內存在在等公宅鄙夫六尺軀俯仰歎逼仄炙手事當  
路快意已爛額野子今兀然乘除付陳迹此身亦何有  
而復身外感相逢昔分山試面九年壁



千里思

君行千里輕所歷  
妾馳千里心匪石  
春房酌酒意匆匆  
愁不在離愁在憶  
鴛鴦瓦上皆無色  
鸚鵡杯中塵更積  
燈前獨坐製君衣  
淚濕剪刀裁不得

郊寺

紅委墻陰花寂寂  
翠滋亭角艸纖纖  
風翻書葉常交葉  
雨壓爐烟不遏簾

衛富益

字

崇德人

題趙子昂竹



漢宮日暮風雷遠南國秋散水殿寒留得一枝烟雨裡  
又隨人去報平安

王用亨字子安崇德人滿熙間舉進士

平綠軒二首

翠痕幾點出林端舟撼清流夜月寒却笑監湖臨水寺  
閉門不借俗人看

禪窗虛敞瞰西南野色溪光接畫簷雲出碧天無間斷  
一眉依約見山尖

葉

時字秀發仁和人海熙中進士官龍圖學士謚  
文康



還桑澤卿蘭亭考二首

書法光芒晉永和後來摹寫不勝多  
考論又得桑天子蘭渚風流轉不磨

自從蠶紙殉昭陵定武流傳賸得名  
總輯舊聞為博議即今真贋不難憑

字子尚

別王龜齡

中原回首尚塵世事徒驚日月新  
羈旅不堪頻作別北懷雖在已甘貧  
南來求友傳三益西去論心有幾人



別後夢魂何處是  
孤應來往任江濱

姜

字謂史

懷王龜齡

左原消息杳無聞  
今我悲懷似亂雲  
多病廢詩無廢酒  
青春孤我亦孤君  
要同學問文章樂  
無奈東西南北分  
况是一簷殘雨後  
落花飛絮雨紛紛

劉

字方叔

書王龜齡述懷詩後

山北山南春雨足  
漠漠柔柔秀如沃  
儂家荆婦幾時歸



西疇獨自驅黃犢

吳 徹

次韻南軒先生榕溪閣

閩山谷  
所召

紹聖用事巨黨與紛相糝當代幾忠良一朝咸黜幽太  
史坐直筆愈點名愈休消長開否泰天意匪人謀累臣  
誰司城獨為景物留當時西復南萬里不停輶誰知百  
年定欲起九京遊積莽新陳迹寒泉薦冰甌想當千騎  
臨水木寒蕭颼我公今伊倖茲焉少夷猶炎方凋瘵餘  
公來今已瘳榕溪兩甘棠千載誰劣優太史後凋松公



如巨川舟

李山父

禪窟寺

遲日濃花午間雲小陰天半巖春洞水萬瓦晚林烟慚  
愧華巖客來分紫府仙倚窗山竹夜風溜響朱絃

凌雲

弔林和靖處士

孤山屹屹鎮西湖山上逋仙舊結廬地僻真堪供隱逸  
鶴馴全不費招呼旌賢賜粟來天詔踏雪尋梅入畫圖



留得遺祠表清德斜陽古木自啼鳥

十五

董居誼

字仁夫臨川人滿熙間進士歷官四川制置使

戚姑山

重上危樓意豁然倚欄檢點舊山川身離城郭塵囂裏  
眼到雲天杳靄邊只恐老松添歲月長教修竹障風烟  
回思燈火書窗下倭指如今六十年

青雲亭

溪傍好山添翠濕亭依喬木得陰濃有人欲踏青雲路  
認取城南第一峰



羣玉亭

石剡嘉名歲月多苔封蘚蝕欲消磨天成有景無人問  
不著新亭奈爾何

見山樓下植梅百木九月見花

此嘉定間官處  
州通判時作

手種寒梅度一春主人指日是行人孤根奈久不忘舊  
疎蕊蓮秋已猷新堪笑世情何恁薄不知花意却相親  
年年記取栽培力為送幽香入夢頻

江邦佐

游潯州南山



南山特地森奇峰嶙峋怪石盤虬龍巨靈夜半劈山腹  
幻出巖竇相玲瓏陰陽石罅滴瓊液拂拂洞戶生天風  
宸章炳煥神物護斷碑零落蒼苔封稚川飛昇歲月久  
丹竈灰冷留遺踪曉猿夜鶴自驚怨朝嵐夕靄常冥濛  
我來依倚困朱墨欲尋勝槩嗟無從公餘乘興一登覽  
萬家獻狀來無窮金莖濯露素杖節清涼不與世人同  
憑虛孤嘯岬中憤收拾爽氣歸胸中俗駕自憐難久駐  
還作令然御風去太息真仙杳不逢碧雲暮合空凝峙

## 雷隱翁



湘山寺

何代梵王宮，軒窗闕碧峰。  
虛庭蒼蘚匝，一徑白雲封。  
石澗吞寒竹，巖猿答暮鐘。  
能令吟賞者，不倦往來重。

崔靜

伏波巖

古木纏溪出，亂根四時香。  
火廟空存人，家曉聚鳬鴟。  
亂水怪夜翻，星斗渾雲洞。  
仙游門自鎖，陰崖龍去石。  
生痕幸同軒，從來乘餘興。  
酣醉清時酒，一尊。

晁公遯 字子西

人著有高山集



秋江

十七

秋江水清不勝綠  
還與漢江顏色同  
望中白鳥忽飛去  
落日丹楓相映紅

詠餅中梅

折得寒香日暮歸  
銅餅添水養橫枝  
書窗一夜月初滿  
却似小溪清淺時

感事

征衣消盡洛陽塵  
泣向東風拭淚痕  
不及青春歸有信  
一年一到樂遊園



有感

不見采蘋闕于今已十春素衣不忍棄為有洛陽塵  
徐得之字思叔

明妃曲

妾生豈願為胡婦失信寧當累明主已傷畫史忍欺君  
莫忍君王更欺虜琵琶却解將心語一曲繞終恨何所  
勝隴霧深宮花淚眼橫波時自雨專房更倚黃金賂  
多少專房棄如土寧從別去得深嘆一步思君一回顧  
山不隔思歸路只把琵琶寫辛苦君不見有言不食



古高辛生女無嬖嫁盤飫

高辛事出後漢書

十八

試雙井茶進憶山谷先生

先生老作宜州鬼誰與一鷗同煮湯至今捧著雙井梳  
猶帶是翁書傳香

宗子文

孺子亭

連天大廈莫容身小何湖邊一間津心事說知林下郭  
姓名誤入府中陳半篙綠水三間屋一榻清風百世人  
只有青青堤上柳至今猶是漢時春



滕王閣

高閣連城十二欄  
西風領客共躋攀  
半簾烟雨長江外  
十里湖山咫尺間  
鴈帶秋聲歸別浦  
鶯分春色過巴山  
當年蛺蝶知誰畫  
一夢莊周去不還

南浦

江到南關古渡頭  
旁分一曲入溪流  
垂楊夾道三千戶  
遠郭連橋數萬舟  
春水綠波芳草渡  
秋風明月白蘋洲  
滔滔出舍紅塵派  
一棹中流萬頃秋

胡

圭

字象德  
梅山瑞州人



入山

擺落世塵縛願結叢栖緣一層復一層古道多迴旋白  
雲隨我後幽鳥鳴我前雲禽亦佳侶一見即忻然

春行南村

鳥語知春最晨起行阡陌雨晴氣已變崖潤嵐猶積雜  
花林際明新水田中白時逢耦耕人問我將何造

山池

鑿山成小池貯茲一泓綠參差散石髮清淺浮碧玉光  
風時動搖連漪細相續我常遠池行衣無塵可濯



宿蔣庵

松色聳寒青  
雲庵夜未扃  
行吟滿林葉  
坐聽一僧經  
江獺鳴如鬼  
山燈遠似星  
自能消冷漠  
不用酒盈瓶